

瓊州府志卷之五

輿地志八物產

穀類

海南秣稻率三五歲一變以黏為飯以糯為酒糯

貴而黏賤蓋以其性善變罕得佳實云蘇軾海南文

稻有粳糯二種粳之類曰白芒紅芒長芒光芒白

鼠芒赤鼠芒烏芒曰香粒粒小性柔而味香大粒珍珠

粒米稍圓而色潔曰鼠牙百箭烏齋矮脚黃箕東海小

種雜子小欄坡遮坡光坡穗小熟黃沙牛鬚烏

節廉州珠蓋穀圓如珠牛頭烏殼海糠白肉赤鬚狗

溜牛結纍牛虱仔山鷄翁蝦鬚曰早黏白十一月正月

瓊州府志

卷五

輿地 物產

二月皆可種五六月熟七粘八粘赤粘黃粘銀粘光粘細

粘坡粘曰粘稻陔稻竹稻蓋稻曰山禾亦曰坡稻米名

雲子於山中燔林積灰和土而播種焉不加灌漑自然秀實連歲有收地瘠乃棄之更擇他處

香禾早禾以上凡五十四種糯之類曰光頭九

里香黃鱸烏鴉罕貝子黃梔糯仔大殼芒花珍

珠眼合欄合狗蛇馬眼黃線山藍坡糯香糯黑

糯大糯小糯白綿糯小熟糯以上二十三種

黍之類二曰金黍一名黃黍牛黍 稷之類三皆名

為粟曰鴨脚粟宜釀酒狗尾粟歲再熟大粟歲一熟

麥之類三曰大麥小麥蕎麥 粱之類四曰白

粒赤粒粳粒糯粒 菽之類多總名為豆五色





皆具曰青豆赤豆黃豆白豆烏豆烏豆宜為蔬出瓊山東山

市者綠豆柳豆枝葉如柳可浴痘疹刀豆扁豆釵豆飯豆

虎豆豌豆白帶豆三朝梗龍爪豆長帶豆八月

豆壓草豆青皮豆羊矢豆荷蘭豆又有紫蘿帶

紅七八江白色俗皆呼為袍帶豆以上二十四種此五穀

之大凡也各州縣大同小異惟耕獲之候不同

芝蔴有黃黑白三種玉篇云藤苾胡麻也

按芝蔴可服餌為油最良瓊人鮮用蔴油通

用豨膏及落花生油此外又有海棠油山柚

油山竹果油皆他處所無至於桐油柏油蓖

蔴油則所同也

瓊州府志

卷五

輿地

物產

二

薏苡米多出儋州崖州瓊人每以為糧

芋有坡水二種春種夏收夏種冬收皆以當中出

苗者為芋母四圍附之而生者為芋子亦可為

糧然其性不及番薯和平坡之類曰麩芋鷄芋

東芋水之類曰水黎芋銀芋苗莖瑩白與葉並

可生食又有紅口芋彈子芋萋芋人頭芋瓜芋

皆產會同粵俗多用以為齏其餘芋種至多亦號大米

按東坡海外集云過子忽出新意以山芋作

玉糝羹色香味皆奇絕天上酥醅則不可知

人間決無此味也有絕句一首見本集今瓊

郡產穀尚少頗資襍糧薯芋之屬皆為民食



所賴

甘藷葉如芋實如拳有大如甌者皮紫而肉白蒸  
煮食之舊珠崖地不業耕稼惟種甘藷秋熟收  
之蒸晒切如米粒貯之是名甘藷糧北方人至  
者或盛具牛豕膾炙而未以甘藷薦之若粳粟  
然壽多至百餘歲者由食甘藷故爾藷含南方  
草木狀  
番蒂藷即甘藷之後獲者大如鵝鴨卵又有片藷  
羸藷六月藷梗殼藷諸種

海南以藷米為糧幾米之十六東坡  
志林

薯蕷各州縣所產不同有形如山藥者曰鹿蔓鈴

邊蔓黎蔓味佳或種  
三年始收扁蔓四種定安有麩蕷鷄

瓊州府志

卷五

輿地

物產

三

母蕷束蕷文昌有紫蕷白蕷儋州有鷓鴣蕷三

年蕷大者自一二觔  
至十餘觔不等薑蕷淡薯會同有靴薯子

薯牛膨薯萬州有大葉薯小葉薯大薯人薯血

薯香薯鹿脚薯諸種

番藷種來自南夷以蔓埋地即生其葉可為菜根

似山藥皮有紅白二種終年食之精神不減郡

人嘗以釀酒

蒔苒即本草黃藥子色紅味苦有毒火灰水浸三

宿乃可食亦可染色

撈頭形似何首烏制法與蒔苒同將煮時置生魚

浸水中驗魚能遊為無毒澄邁  
志



甜娘一名木老其花如蓼莖枝有毛土人取實晒

乾用又名荳稜仙同上

南椰麵瓊人以南椰粉為飯曰椰霜飯南椰與椰子樹不同其精液形色氣味皆類藕蕨粉本草以為莎木麵也出萬州定安

葛根大如瓜剖而食之甘如梨白如蘿蔔可以為

粉吳震方嶺南雜記

蔬類

菘一作菘菜如落葵而小性冷味甘治葛有大毒以

菘汁滴其苗即萎世傳魏武能噉治葛至一尺

云先食此菜草木狀蕘筏名菘田在處皆有亦名

瓊州府志

卷五

輿地

物產

四

菘草雖有解毒之功然能損目郝通志

藤菜一名落葵又名紫豆蔓生葉柔滑可食東坡

詩云可以敵蓴羹

芥蘭甘辛如芥葉藍色鍊之能出鉛又名隔藍雜記

蓬生菓名乳瓜土人又名木瓜一名萬壽果樹高

一二丈如櫻櫚葉如蒲葵近頂節節生葉類木

瓜而色青皮嫩微有楞肉白多脂無核搯之乳

隨出醬食甚脆子如蠶矢二月下種數月即高

大果少則以刀剉其根其樹皮可食如蘿蔔蜜

浸尤佳同上

東風菜裴淵廣州記云宜肥肉作羹香氣似馬蘭



味如酪此菜先春而生故名

按通志云徐錯篆韻葉東風菜也別是一種與斷續二物同名爾

瓊芝出文昌又名石花菜

華撥菜葉如蕁實類桑椹東坡云間挑華撥根是也

紙菜色如青苔其薄如紙乃鹽水之皮皆出瓊海中

海粉海岸有蟲食苔蘚所化從背後吐出有五色以綠色為佳

石髮菜出海石上纖長如絲縷虞衡志○又李時珍云龍鬚菜生南

瓊州府志

卷五

輿地

物產

五

海石上叢生無枝狀如柳葉長者尺餘白色以醋浸及和肉蒸食俱佳

茄隋煬帝名為崑崙紫瓜又有白色者為銀茄黃

山谷詩云珍蔬長帶色勝銀南方草木狀云交

廣草木經冬不衰故蔬圃之中種茄有宿根三

四年者漸長枝幹成樹

紫菜出文昌萬州海石上李時珍云閩越海邊悉有之葉大而薄彼人按

成餅狀晒乾貨之其色正紫亦石衣之類也

按紙與紫音同疑即一物今瓊州惟產紫菜

所在皆有舊志分載仍存之以俟考訂

菠薐菜即菠菜一名赤根菜劉禹錫云種出自西

國有僧將其子來云是頗陵國之種語訛為菠



蔘耳嘉話錄

芹有水芹旱芹杜甫詩云香芹碧澗美蓋美芹之

功而列子言鄉豪嘗芹蜚口慘腹蓋未得食芹

之法耳本草綱目

鹿角菜生南海中石厓間長三四寸大如鐵線分

了如鹿角狀紫黃色土人采曝貨為海錯同上

越志云猴葵一名鹿角蓋鹿角以形名猴葵因其性滑也

芥菜接余也根生水底莖如釵股上青下白葉紫

赤圓徑半寸浮在水面詩集傳

芥菜有青白紫花數種儋州志

生菜形似蒿苣可捲肉餅

瓊州府志 卷五

輿地九 物產

六

地達菜一名地春雨生荒野中

莧菜爾雅謂之藎又有野莧馬齒莧紅莧食忌蠶

甜菜即蒼達本草云莖灰淋汁洗衣白如玉

蒿蒿菜本草云動風氣薰人心令人氣滿不可多

食

白花菜生荒園花白味酸香楊貴妃因高力士取

之高州稱美嗜之俱同上

苦蕒菜即劉易所嗜蠶蛾出時不可用

石芝生海隅島嶼之涯赤者如珊瑚白者如截肪

抱朴子文昌會同有研石廣數里橫互海底其石

上生苔白者為瓊枝紅者為草珊瑚味甚脆美



瓊郡種植之利檳榔爲大瓊杖次之

按通志云瓊杖疑卽石花菜之類

鹿耳菜生曠野沙地花黃如菊土人取葉去毛羹食出萬州

蕨菜卽爾雅所謂蕨鼈又有蘿蔔菜沙皮菜魚鱗

菜酸菜油菜鷄菜芫荽牛芩產各州縣

薑紅白二種又有高良薑黃薑山薑

葱有乾葱水葱珍珠赤白二種卽爾雅山蒜

韭忌同牛肉煮食之生寸白蟲

蕪似韭之菜儀禮云葱蕪之屬食之止卧

筍類甚多然味皆苦惟麻竹刺竹數種常以充饌

瓊州府志

卷五

輿地

物產

七

菌俗名菰有甜菰赤米菰梅花菰紅赤白三色白

佳若食中蛇毒者搗芝麻調服卽愈

木耳生桑樹者治痢生火殃樹者治瀉生梅樹者

治腹痛生於朽木者俗名木耳菰

田艾葉如艾而細生田畔俗拌米搗粉爲饅飴採

冊

冬瓜海南多以十一月種至三四月卽鬻於市賈

騶云冬瓜正二月種之若十月種者結瓜肥好乃勝春種則冬瓜之名或又以此也

南瓜種出南番故又名番瓜本草綱目

越瓜以地名也南人呼爲菜瓜有青白二色可生

食充菓蔬醬醋藏浸皆宜亦可作俎



胡瓜以張騫使西域得種故名又隋大業四年避諱改爲黃瓜今俗以月令主瓜生爲黃瓜誤矣王瓜卽土瓜也俱同上

絲瓜皮上有稜內多筋絲長止數寸按朱震亨云痘瘡不快用枯者煨存性入硃砂研末蜜水調服甚妙土名謂之水瓜水瓜種與絲瓜異朱說誤

木瓜一名天羅圓徑寸許長一二尺性寒烹之水漬甚多嫩時可食老則筋絲羅織枯而無味

壺盧有長柄細腰二種崖州產者其大如五斗器瓠子卽匏也詩曰八月斷壺註瓠也俗誤以爲葫蘆

瓊州府志

卷五

輿地 物產

八

匏狀腰類於首尾類於腰微銳綠蔓太康地記朱

崖儋耳無水惟種大匏藤斷其汁用之亦足通志

鷓鴣瓜野生高不滿尺實似王瓜熟紅色味佳云

鷓鴣食之故名出瓊州同上

斑瓜青白斑數種一名甜瓜

香瓜似甜瓜而短黃白青數色有小圓極香者

丹瓜野蔓生葉如黃瓜而小俗謂之坡瓜

苦瓜原出南番今閩廣皆種之五月下子生苗引

蔓卷鬚如葡萄八月開黃花五瓣如碗結瓜長

者四五寸短者二三寸青色皮上痲如癩及荔

枝殼狀熟則自裂內有紅瓢其味甘中有子形



如冬瓜子

本草綱目

按通志云苦瓜一名錦荔枝又名癩葡萄又名菩蓮廣南以其皮煮肉及鹽醬充蔬味苦而香土人酷嗜之

花類

極蘭極者莖多也蘭以極蘭為上乃蘭之第一香

粵東筆記

公孫蘭每一大莖輔以二小莖其花從上開下若公領孫故名

出架白蘭花高出葉從下開上色甚潔白

青蘭葉長二尺其花青碧白幹者為上青幹紫幹

瓊州府志

卷五

輿地

物產

九

次之

黃蘭葉長而稍大其花淡黃有小紅紋

草蘭以短葉白幹者為上其花肥不畏霜雪不資糞壅有雙花單花之別

風蘭花如水仙黃色從葉上抽出作雙朶繫置簷間不着水土自然繁茂

鹿角蘭葉細如鹿角故名狀類海棠花紫蕊黃色甚幽媚

小玉蘭花淡白有清香

報喜蘭如蠟梅而色紅紫每莖作七八枝遇吉事則開香味亦同諸蘭



賀正蘭每當立春及元日始開

幽蘭生於深林中微風過之其香靄然達於外林

愈深則莖愈紫香更有餘

翡翠蘭有六瓣三蕊色如翡翠故名

鶴頂蘭花葉甚大面青背白蕊紅紫卷成筒形微

似鶴頂一莖作二十餘花

朱蘭花小色麗開只一朵亦出葉如百合

文珠蘭葉長四五尺大二三寸而厚花如玉簪似

百合而長大色白甚香夏間始開俱同上

鷄爪蘭長二三尺莖葉紛披甚弱種之盆盎以竹

圈數重護之花如珍珠如金粟一枝輒作數串

瓊州府志 卷五

輿地 物產 十

分布若鷄爪故名本名賽蘭白沙詩南有賽蘭

花名花人未識又名暹蘭以來自暹羅斛也亦

謂之東京蘭

樹蘭高尺餘花似魚子蘭而香烈過之五葉者貴

其花不落香且久三葉者其花次日即落雜記

菊種類甚多東坡云海南氣候不常十月初菊花

始開不須以重陽為斷

茉莉花似薔薇之白者香愈於耶悉茗即素馨花有寶

珠千葉重臺諸種宜六月六日種重臺者香似

黃檀味甚厚

素馨花較茉莉更大香最芬烈閨閣晚粧摘其蕾



蕾以綵絲穿花心繞髻爲飾在髻上始盛開見  
月而益光得人而益馥竟夕氤氳至曉萎猶有  
餘香隆冬花少曰雪花夏月花多曰瓊英然兒  
女以花蒸油取液爲面脂頭澤謂能長髮潤肌  
章隱詩鈿花穿弱縷盤向綠雲鬟王阮亭詩夜  
半髮香人夢醒銀絲開遍素馨花叅粵東筆記  
夜來香蔓生蓓蕾數朶成簇日入始開花五瓣淡  
黃色其香以夜亦如素馨土人以爲青茉莉以  
其形似茉莉也

指甲花其樹高五六尺枝條柔弱葉如嫩榆與耶  
悉茗茉莉皆雪白而香不相上下番人自大秦

瓊州府志

卷五

輿地

物產

十一

國移植於南海而此花極繁細如米粒之半人  
多折置襟袖間蓋資其芬馥爾一名撒沫花草木

刺桐花樹高數丈大者合六七人抱身多癭瘤魄  
礪磅礴若虬龍狀木不可材故能以老見異花  
正紅色先葉而生三月盛開望之滿樹嫣然旁  
照他物皆赤豔落地三四日其色不減伐其枝  
種之卽生

按瓊地刺桐甚多樹高數丈花如木綿開後  
始生葉或云刺桐一名蒼梧根淺質脆不中  
材木土人取其葉食豕



山丹花如瑞香而正赤開透後帶黃色蘇詩云堂

前種山丹錯落瑪瑙盤雜記

芙蓉一名拒霜樹叢生葉大而花甚紅八九月霜

降時開故有拒霜之名又有開時其色數易早

白午淺紅暮深紅謂之醉芙蓉性涼血解毒治一切癰疽惡瘡

花葉根皮皆可用  
搗敷腫痛立效

木棉花正月發蕾似辛夷而厚作金紅深紅二色

蕊純黃六瓣望之如億萬華燈燒空盡赤結子

如酒盃老則圻裂有絮茸土人取以作裯褥

泊宅編云木綿紡績為布名曰吉貝海南蠻人

織以為巾上出細字雜花卉尤工巧即古所謂

瓊州府志

卷五

輿地

物產

十二

白疊布也

龍船花以花自端午而開故名殷紅色狀如秋海

棠中心垂絲裊裊如龍髯故又名龍髯花

九里香木本葉紅如黃楊花成茸色白有香甚烈

但其木不易長以最短者製為古樹枝幹拳曲

可作盆盃之玩有壽數百年者昔人詩云風俗

家家九里香

七里香木高數尺凌冬不凋花白香甚醲未開時

似木樨通雅稱可以辟蠹即芸也

紅荳蔻花叢生葉瘦如碧蘆春末先抽一幹有大

籜包之籜解花見一穗數十蕊淡紅鮮妍重則



下垂如葡萄又如火齊瓔珞及剪綵鸞枝之狀  
此花無實不與草苳蔻同種每蕊心有兩瓣相  
竝詞人托興曰比目連理云虞衡志

按羅浮志云紅苳蔻卽山薑花莖卽薑也根  
不堪食惟葉枝吐馥花如麥粒嫩紅色選未  
拆開者謂之含胎以鹽淹入甜糟中經冬如  
琥珀辛香可爲膾今多出儋州其根入藥卽  
高良薑

孔雀花樹高可丈許花紅色有頭翼尾足若孔雀  
然數十萼一簇如龍船花

臙脂花叢生其葉類藍其花似蓼正月開花含苞

瓊州府志

卷五

輿地

物產

十三

者可爲臙脂亦可染帛其紅不亞紅藍又鄭虔

云石榴花堪作臙脂北戶錄

鳳仙花一名金鳳葉似桃而有鋸齒極間作花狀  
如飛禽有紅白紫碧數色婦女以花包染指甲  
故亦稱指甲花

瑞香花一名風流樹高者三四尺許枝幹婆婆四  
時長青冬春之交開花成簇長三四分如丁香  
狀群芳譜

酴醾一名獨步春一名瓊綬帶藤身灌生青莖多  
刺一穎三葉如品字形花青跗紅萼開時變白  
大朵千瓣香微而清盤作高架二三月間爛漫



可觀歐陽永叔詩清明時節散天香輕染鵝兒  
一抹黃最是風流堪賞處美人取作浥羅裳同上  
薔薇一名刺紅一名牛勒藤身叢生莖青多刺其  
色或白或紫或黃連春接夏清馥可人又花可  
蒸露

秋海棠花無香而色甚嬌媚粵中頗多若西府垂  
絲不可多得

山茶樹高者丈餘低者二三尺葉似木樨花有紅  
黃白數種

合歡一名夜合枝甚柔弱葉纖密圓而綠似槐而  
小相對生至暮而合枝葉互相交結風來輒解

瓊州府志

卷五

輿地

物產

十四

五月開花樹之庭階使人釋念

學芳譜

木槿一名舜一名朱槿一名朝開暮落花木高五

六尺葉繁密如桑花大如蜀葵有蕊一條出花

外上綴金屑日光所爍疑若焰生一枝之上日

開數百朶有深紅粉紅白色單葉千葉之殊

扶桑木卽佛桑高四五尺枝葉婆娑如桑花有紅

黃白三色又有朱槿赤槿等名以此花與槿相

彷彿也

萱一名忘憂一名宜男苞生莖無附枝繁萼攢連

葉四垂花有春夏秋冬四季

俱同上

鹿葱花頗類萱但無香耳鹿喜食之故以命名同上



含笑花木本其花如蘭形色俱肖花開不滿若含笑然隨卽凋落一種小而色多白者尤香丁謂詩云草解忘憂憂底事名花含笑笑何人

浮志

羣芳譜羅

金錢花秋開黃色朶如錢日開夜落又名夜落金

錢梁大同中進自外國今在處有之又有銀錢

一種七月開花

羣芳譜

西洋蓮蔓細如絲朱色繚繞籬落間花初開如黃

白蓮久之瓣落其蕊復變為菊故又名西洋菊

廣州志

蓮花宋李光常遊儋州清水池云海南蓮花與菊

瓊州府志

卷五

輿地

物產

十五

梅相接葉小而清香可愛

儋州志○廣輿記云荷出儋州四時開花

觀音蓮又名觀音蕉葉似芭蕉中心發紅芽初出

如捲旗漸分大瓣如蓮而叢攢不甚開放色鮮

艷奪目可歷數月

美人蕉初生似玉簪葉後漸似芭蕉葉而小花似

山丹而紅次第開花四時不絕其最小可插瓶

中者曰膽瓶蕉

蛺蝶花紫色形似蝴蝶微風至搖蕩若飛

長春花柯生四時開花淡紅色五出

換錦者脫紅換錦脫綠換錦也葉似水仙冬生至

夏而落獨抽一莖二尺許作十餘花或紅或綠



葉落而花故曰脫紅脫綠花落而葉故曰換錦  
又曰脫羅換錦

百日紅花開百日不謝澄邁志

百日白根可消腫病

蘆葦葉長邊有刺利封界花抽葉中與葉彷彿色  
白清香每瓣胎格有粉雌者結子又名路頭花  
可以為蓆

梔子俗呼黃箕地種者雙瓣惟生水邊者單瓣結  
實俱同上

梅有青紅二種嶺南梅花常與菊花相及所謂十  
月先開嶺上梅也郝通志

瓊州府志 卷五 輿地 物產 十六

夾竹桃花本桃類葉如柳枝幹如菜竹而促節終  
歲有花不結實其落以花不以瓣落至二三日  
猶嫣紅鮮好得水蕩漾朶朶不分開與眾花同  
而落與眾花異又曰地開桃以落於地而始開  
也粵東見聞

葵花有蜀葵秋葵二種瓊山志

鷄冠花有紅白黃數種

金銀花即野菊花稍小於黃菊本草謂之旋覆花  
老來紅即老少年又名暮年嬌

月季花葉尖小枝有勁刺皮葉俱青花或紫或紅  
微香隨謝隨開四時不絕



果類

荔枝樹高五六丈餘如桂樹綠葉蓬蓬冬夏青華

實大如鷄子肉白如肪甘而多汁似安石榴有

甜酸者夏至時翕然俱赤則可食也草木狀。又莊綽云

海南有無核荔枝

龍眼樹如荔枝但枝葉稍小殼青黃色形圓如彈

丸核如木椀子而不堅肉白帶漿其甘如蜜一

朶五六十顆作穗如葡萄然荔枝過則龍眼熟

故謂之荔奴言常隨其後也同上

按蘇東坡曰閩越人高荔枝而下龍眼吾為

平之荔枝如食蟬蟪大蟬斫雪流膏一噉可

瓊州府志

卷五

輿地

物產

十七

飽龍眼如食彭越石蟬嚼嚙久之了無所得

然酒闌口爽饜飽之餘則啞啄之味石蟬有

時勝蟬蟪也此語足為荔解嘲

蕉子芭蕉極大者凌冬不凋中抽幹長數尺節節

有花花褪葉根有實去皮取肉軟爛如綠柿極

甘冷四季實一名牛子蕉又有鷄蕉子小如牛

蕉亦四季實有芽蕉子小如鷄蕉尤香嫩甘美

秋初實虞衡志

檳榔子既非常木亦特異大者三圍高者數丈葉

叢樹端房結葉下華秀房中子結房外其擢穗

似黍其綴實似穀其皮似桐而厚其節似竹而



概其內空其外勁本不大未不小上不傾下不  
斜調直亭亭千百如一但性不耐霜不得北植  
必當遐樹海南遼然萬里弗遇長者之日令人  
恨深也喻益檳榔生食必以扶留藤古賁灰相  
合嚼之吐去紅水一口乃滑美不澁下氣消食  
俗謂檳榔爲命賴扶留以此古賁灰卽蠮蚌灰  
也賁乃蚌字之訛瓦屋子灰亦可用本草  
按儋州志云子堅圓小者名爲檳榔性熱大  
者名大腹子殼名大腹皮樹如椰而小花香  
遠而清取其實合扶留葉及灰食之辟腥消  
食除瘴俗重此物凡交接必以爲先容婚姻

以爲定禮朱子詩云憶昔南遊日初嘗面發  
紅葉囊知有用茗盃詎能同捐疾收殊效修  
真錄異功三彭如不避糜爛土非中註云土  
非禪語今郡人食檳榔又以荔枝嫩葉擣成  
餅名曰茶餅加入合食

椰樹高五六丈似檳榔桃椰之屬其實小者如栝  
萋大者如寒瓜有粗皮包之皮內有核圓而黑  
潤甚堅硬厚二三分殼內有白肉瓢如凝雪味  
甘美如牛乳瓢內空處有漿數合清美如酒其  
殼磨光有斑纈點紋橫破之可作壺爵縱破之  
可作瓢杓也同上又可作冠蘇過以椰子冠寄叔



子由東坡與子由有詩相倡和見海外集

按郡屬椰子最多文昌尤盛有一種小者其殼可作數珠價逾沉香中土甚寶貴之

橄欖樹枝皆高聳其子深秋方熟味雖苦澁咀之芳馥勝含鷄舌香有野生者子繁而樹峻不可梯緣但刻根下方寸許納鹽於內一夕子皆自落木亦無損其枝節間有脂膏如桃膠南人采取和皮葉煎汁熬如黑飴謂之欖糖用泥船隙牢如膠漆着水益乾也嶺表錄異

烏欖一名木威子乃欖之大者蒂有臭味大遜橄欖土人取其肉醃為菹名曰欖豉色如玫瑰味

瓊州府志

卷五

輿地

物產

十九

頗雋又可榨油調食點燈其仁則為佳果其皮染色鮮紅如茜其核可薪雜記

按木威烏欖顧微廣州記云木威生嶺南山谷樹高丈餘子如橄欖是烏欖與橄欖明是兩種通志云酉陽雜俎云珠崖橄欖獨報枝南向者為橄欖東向者為木威其說出於金樓子李時珍謂此傳聞謬誤耳

餘甘子形味類橄欖一名庵摩勒羣芳譜

千歲子有藤蔓出土子在根下鬚綠色交加如織其子一苞恒二百餘顆皮殼青黃色殼中有肉如栗味亦如之乾者殼肉相離撼之有聲似肉



荳蔻

草木狀

五稜子形甚詭異瓣五出如田家碌碡狀味酸久嚼微甘閩中謂之羊桃

虞衡志

按五稜子即五斂子也但與萇楚羊桃名同而實異

舊志

另一種味極酸澀名五斂子一種極甜美名甜羊桃形色俱相似土人以鹽漬之能醒胃進食陳久者良

黎檬子如大梅復似小橘味極酸

同上

蜜望樹高數丈花開極繁蜜蜂望之而喜故名其實黃味酸甜能止船暈海舶兼金購之

廣州土人名為莽果

瓊州府志

卷五

輿地

物產

三

蜜林禽實大如拳外皮礪礪色青一實有數十核

瓊人呼為番荔枝

不納子似黃熟小梅絕易爛爛即破肉附核可為

經珠似菩提子

虞衡志

黃皮果大似龍眼又名金彈子皮黃白有微毛瓢白如肪有青核數枚甚酸澀食荔枝太多以黃皮解之

通志

波羅蜜大如冬瓜外膚礪礪如佛髻削其皮食之

味極甘子輒如冬瓜生大木上秋熟

虞衡志

波羅

樹自蕭梁時西域達奚司空攜子二枚栽於南海廟即佛氏所稱優鉢曇也無花結果果成之



後或一生花故以優鉢花為難得樹高五六丈實生枝間其大如斗有重至三四十觔者如不實則以刀斫樹皮白乳湧出旋凝結為實老樹已朽今是其萌蘗已大數十圍他處皆自此分種其根旁行實旋結於地中拆裂聞香始知較枝幹所結尤美一實有數百核核中仁如粟可爛食菓之大而美者惟此與椰子而已有乾濕二種明宣德間充貢正統初詔止又有一種草本實結於心頂仍有葉其實皮厚有軟刺肉層疊如橘囊味亦香甜

廣州志

按木本者實重數十斤味香甜而膩土人名

瓊州府志

卷五

輿地

物產

三

曰波羅蜜其艸本者大僅如柚而多刺俗名番波羅其葉可抽絲績蘇織布為波羅蘇布文昌定安多產之

楊梅北戶錄名杔子以細核為佳故庾信小園賦有細核楊梅之稱瓊屬所產形小味酸而核亦不甚細古人稱越地楊梅指浙東之越非粵東之越也

橘白華赤實皮馨香有善味其小而黃者名金橘

剝皮則酢合食則甘

草木狀羅浮記

柑乃橘之屬滋味甘美特異者也有黃者有赭者

赭者謂之壺柑

草木狀



鈎緣子一名香櫞形如瓜皮如橙而金色土人重之極芬香肉甚厚白如蘆菔上同

佛手柑木如朱欒葉尖長有刺皮黃若橙肉白若肪香最清烈產會同樂會羣芳譜

柚產海北者佳瓊柚多白瓢無紅瓢卽傳種亦變白

橙樹高枝葉不甚類橘亦有刺其實大者如盃頗似朱欒經霜早熟色黃皮厚香氣馥郁事類合璧

蒲桃樹高二三丈其葉如桂四時有花叢鬚無瓣如剪出絲毬長寸許色兼黃綠結實如蘋果殼厚半指絕芳甜核與殼不相連屬搖之作響羅浮

瓊州府志

卷五

地物產

三

梔遷子樹如甘蕉卽柿也其子如馬乳而小中有

美漿廣州志

都念子南海郡送都念子樹一百株樹高一丈許

葉如白楊枝柯長細花心金色花赤如蜀葵而

大其子小於柿甘酸至美蜜漬爲粽益佳大業拾遺

記嶺外有果名撚子三月開花如芍藥七八月

實可食結腸胃小兒食多則大便難東坡改名

海漆言搗其葉可代柿漆嶺表錄異云倒捻子

窠叢生葉如苦李花似蜀葵小而深紫南方婦

女多以染色子如軟柿上有四葉如食蒂食者



必捨其蒂故謂倒捨子或呼爲都念子語訛也  
其子外紫肉赤無核古訛捨爲念今又訛念爲

燃 猗覺寮  
雜記

石榴有紅白二種又有海榴千葉寶珠榴酉陽雜  
俎云甜者可爲醬酸者可入藥

番石榴皮青黃色亦有白者瓢色紅中多子細如  
米粒味甘而氣臭土人酷嗜之文昌志云食之  
發麻瘋恐未必  
然

葡萄史稱張騫使月氏傳其種以西北爲美瓊種  
小而酸

落花生俗名地豆一名長生菓蔓生吐黃花花瓣

瓊州府志

卷五

輿地

物產

三三

落地卽生莢於根莖間狀如赤荳長及寸殼有  
皺文中紅衣裹仁或三或四生熟皆可食亦  
可榨油土人掘沙取之

山栗圓而末尖者爲錐栗小如橡子者爲榛栗粵  
語訛爲錐子文昌有苦錐牛錐二種山蠶食其  
葉作繭取絲織綢卽名山繭綢

山竹子狀類菩提色黃味酸甜可釀酒澄邁  
志

菩提子狀如北地沙果味香甜儋州  
志

鳳凰子搗以爲餅味如乳酥臨高  
志

甘蔗圍數寸長丈餘頗似竹而皮厚

有蠟蔗竹蔗二種竹蔗煮糖啖以蠟



產四時不絕

蓮實俗謂蓮子出會同者佳

甜瓜其味甜於諸瓜故獨得甘甜之名本草綱目

木杓一名木類俗呼木赤朶形如黃皮瓢有紅白

二種

土檀子狀類木杓熟紫色澄邁志

鷄頭子即芡實叢生於房中陵水志

藏漢果樹多刺子熟鮮紅圓如珠味甜澁雜記云

漢高為頂羽所追因藏此樹間獲免故名儋州志

坡果莖如芥花紅根實如柿味類蓮黃通志

番荔枝大如桃色青皮似荔枝殼而非殼也頭上

瓊州府志 卷五 輿地 物產 三四

有葉一宗擘開白穰黑子味似波羅蜜嶺南雜記

竹類

長節竹節長丈許產黎山中

青黃竹筠半青半黃一名碧玉

黃竹即黃皮竹凡竹非青則綠此獨黃古詩云林

上枝枝金瑯玕一丈二尺拂雲端謂此

人面竹節小而中大小處如人面大處如腹亦曰

佛腹竹

筋竹莖直節平不蛀宜為矛郡產者殊小不及海

北之大

勒竹一名澀勒即刺竹也長芒密距枝皆五出如



鷄足可蔽村砦子瞻詩云澀勒暗蠻村是也瓊人種爲藩籬筍亦可食

簞竹或爲之贊曰簞竹旣大薄且中空節長一丈其直如松此言桃竹也以爲簞曰桃笙

苦竹類茅而節高莖曲宜編織性寒宜作瀝青其根穿行山谷延蔓成林又名過山苦

藤竹昔人云儋州有藤竹其性堅實耐久長踰尋丈筍亦美文昌多產之

茅竹一作猫竹一作毛竹幹大而厚異於諸竹土人取以爲舟

斑竹卽湘妃竹其斑如淚痕產昌化感恩

瓊州府志

卷五

輿地

物產

三五

白眼竹節有粉瀝可治痰

棕竹有三種上曰筋頭梗短葉垂堪置書几次曰短栖可列庭階次曰樸竹節稀葉硬可爲杖亦可爲扇柄出萬州

箭籐竹莖黃色黎人取爲箭籐

麻竹莖特大筍可食

石竹大者徑二寸質堅斧斤不能入倭刀觸之立斷

甜竹筍甜美可食又有金竹沙竹菡竹扶菡竹紫

竹橫枝竹孟宗竹觀音竹產各州縣

木類



花梨木紫紅色與降真香相似有微香產黎山  
香楠木幹極端偉一名端正樹亭亭直上若幢蓋

然膚有花文色黃綠而細膩剖之香辣多出崖

儋州志云有香楠苦  
州楠油楠鸚哥楠四種

鷄翅木白質黑章如鷄翅身多結瘦又名瘦子木

出崖州昌化陵水

鐵力木理甚堅緻質初黃久之則黑

吐珠木堅如鐵力色比紫荊較赤為海南之文木

臘脂木堅緻色如臘脂可斲作器澄邁志臘脂木  
有二實小者佳

實大者名  
為狗卵

蘇木即蘇枋樹類槐花黑子南人以染絳凡州縣

瓊州府志

卷五

輿地 物產

藝植者十年後始堪用黎山野生者以年久故

佳

榕樹南海多植之葉如大麻實如冬青樹幹拳曲

不可以為器也其木稜理而深是不可以為材

也燒之無焰是不可以為薪也以其不材故能

久而無傷其蔭十畝故人以為息焉而又枝條

既繁葉又茂細軟條如藤垂下漸漸及地藤稍

入地使生根節或一大株有根四五處而橫枝

及鄰樹即連理南人以為常不謂之瑞木南方  
草木

狀有大葉細葉二種細枝垂地遇水即生亦異

品也松亭  
詩話



桄榔樹枝葉並蕃茂葉下有鬚如粗馬尾廣人採之以織巾子其鬚尤宜鹹水浸漬卽粗脹而韌故人以此縛船不用釘線木性如竹紫黑色有文理而堅工人解之以制博奕局此樹皮中有屑如麪可爲餅食之嶺表錄異桄榔木似椶櫚有節如大竹聳直高十餘丈有葉無枝蔭綠茂盛結子葉間數十穗下垂長可丈餘青翠點綴有如纓絡其根皆細鬚堅實如鐵斲以爲器悉成孔雀尾斑世以爲珍木身外堅內腐南人剖去其腐以爲盛溜力省而工倍溪峒取其堅以爲弩箭沾血一滴則百裂於皮裏不可撒矣不惟其

瓊州府志

卷五

輿地

物產

二十七

木見血而然雖木液一滴著人肌膚卽徧身如

鍼刺殆木性攻行於氣血也嶺外代答色類花梨而

多綜紋海槎餘錄

龍骨木色青翠狀如枯骨通志叢生有刺汁毒老而

根結者香美儋州志

赤鱗龍膽木中屋材其味苦故名黃志

飲木朱崖海中有渚東西五百里南北千里無水

泉有大木斬之以盆甕承其汁而飲之文選注

海棠其子可打油燒燈會同志

烏文木李時珍云烏文木出海南古今注亦謂之

翳樹色黑而有文



相思木有黃紫之分皆起細花紋堅於鐵力木子  
名紅豆如珊瑚王維詩所云紅豆生南國者是  
也唐時曾進御以藏龍腦香歷久不減與草紅  
豆生於藤蔓者別通志

虎斑木紋似虎斑

無患木卽櫨木殼可以去垢核可爲經珠又金剛  
子圓如彈堅實不朽亦可爲數珠產瓊山

黃楊木酉陽雜俎云凡取此木必於陰晦夜無一  
星伐之則不裂出昌化者佳可制梳箸

海梅端直堅緻可作棟樑材又有青梅苦梅二種  
樟有黃紅二種俗名林翁又有釣樟卽豫也

瓊州府志 輿地 物產 卷五 三六

椿木皮細肌實而赤嫩葉可茹樗木枝粗肌虛而  
白其葉臭惡乃一木二種也

梓有三種木理白者爲梓赤者爲楸梓之美文者  
爲椅卽尸子所謂荆有長松文椅者也土名石梓曰公

曰母母 尤佳

檀似秦皮其葉堪爲飲具體細可作斧柯至夏有  
不生者忽然葉開當有大水農人候之以占水

旱

烏柏木一名鴟白本草云烏喜食其子因以名之

陸龜蒙詩云行歇每依鴟白影挑頻時見鼠姑

心



桑乃箕星之精種樹書桑根下埋龜甲則茂盛不  
蛀根下皮可入藥名桑白皮用東行者良出土  
外者殺人

按郡地少蠶桑葉不傷採摘木氣得全故桑  
寄生特多

秋風木質堅而紋極細出臨高

鳳眼木紋似虎斑可作器皿

按海南雜木甚多有鴨腳猫尾猪血之類皆  
出黎山中

山總管樹高四五尺葉可解諸毒土醫謂之藥母

黃子木東坡以為拄杖為弟子由生日之壽志林

瓊州府志 卷五 興地 物產 三九

牛奶樹子有雙仁最毒食之腸斷單仁者尤毒澄

邁海邊多生之

買生木有白赤二種澄邁志

稿木有四種同上

苦棟樹最易生三月開花細如魚子色兼紅白有

雌雄雌者實雄者不實實肖棗不可食通志

山羅木俗呼買展澄邁縣志

山桂皮味似桂不甚辣土人取春麴餅近亦以代

香供神

山柚俗取其子打油香氣襲人

楓樹楊似白楊葉三角有脂香疑即今之香楓是



也俱同

香類

沉香葉似冬青樹形崇竦其木枯折皮朽爛內心乃香續博物志云沉香雜木也儋崖海道居民橋梁皆香如梅桂橘柚之木沉於水多年得之皆爲沉水香然生採之卽不香也又虞衡志云沉水香上品出海南黎峒一名土沉香少大塊其次蘭粟角如附子如芝菌如茅竹葉者佳至輕薄如紙者入水亦沉香節久蟄土中滋液下流結而爲香採時香面悉在下其背帶木性者乃出土上環島皆有之又以出萬安者爲最勝

說者謂萬安山在島正東鍾朝陽之氣香尤蘊藉豐美大抵海南香氣清淑如蓮花梅英鵝梨蜜脾之類焚少許氛翳彌室至煤燼氣不焦此海南香之辨也海上亦自難得省民以一牛博香一擔歸擇得沉水者十不一二

黃熟香倦遊錄云香有三等曰沉曰箋曰黃熟沉箋有二品曰熟結曰生結熟結樹爛而成生結者結於完樹黃熟又有三品曰散沉香之上也生結者爲角沉次之木枯朽乃得者爲黃沉又其次也

蓬萊香卽沉水香結未成者多成片如小笠及大



菌之狀有徑一二尺者極堅實色狀皆如沉香惟入水則浮剝去其背帶木處亦多沉水  
志

鷓鴣斑亦得之於沉水蓬萊及絕好箋香中槎枒

輕鬆色褐黑而有白斑點點如鷓鴣臆上毛氣

尤清婉似蓮花

箋香如蝟皮栗蓬及漁蓑狀蓋修治時去水留香

棘刺森然香之精鍾於刺端芳氣與他處箋香

負別箋香之下又有重漏生結皆下色

角沉乃生木中取者宜用薰熱黃沉乃枯木中得

之宜入藥用俱同上

伽楠香一作奇南一作藍卽黃蠟沉香品云香木枝

瓊州府志

卷五

輿地

物產

三十一

柯竅露者木立死而木存者氣性皆溫故爲大

蠟所穴蠟食石蜜歸而遺香中歲久漸漬木受

蜜氣結而堅潤則香成矣香成則木漸壞其傍

草樹咸枯香本未死蜜氣復老謂之生結上也

木死本存蜜氣凝於枯根潤若餕片謂之糖結

次也其稱虎斑結金絲結者木性多而香味少

斯爲下品生結紅而堅糖結黑而軟瓊州亦有

土奇南白質黑點其色如鴨綠者名綠結摺之

痕合鋸則細屑成團又名油結上之上也粵東筆記

按伽楠香產越南國者謂之洋伽楠多從海

舶載來售之味辛烈瓊郡黎山者謂之士伽



楠香氣醇美價倍黃金今不可多得矣

降真香雜諸香焚之其烟直上輒有白鶴下降通志

檀香檀木年久成香

青木香一株五根一莖五枝一枝五葉葉間五節

相對故又名五香出文昌

龍骨香樹叢生有刺汁甚毒枝老而根結成香者

美產崖州

白木香砍傷其樹則結否則雖年久亦為白木

海漆香產文昌海港色甚黑焚之油出如漆

鷄骨香一名藤香乃雜樹之堅節形色似香非香

也

瓊州府志

卷五

輿地

物產

三三

白膠香出儋州

速香有色黑而重者名將軍帽鱖魚片色黃而有

棕紋者名花剗自海舶至者味辛而酸不如瓊

產之甜靜無尾烟也其餘有夾板并抱朽木者

俱香之下品而尤有他木煮成假充者不可不

辨雜記

楓香樹似白楊葉圓而歧分有脂而香其子大如

鴨卵二月花發乃著實八九月熟曝乾可燒南

草木狀

按羅浮志云今所燒乃其皮非子也子亦無

如卵者



檳榔苔出海島檳榔木上如松身之艾蒨單熟極臭交趾人用以合泥香則成温磨之氣功用如

甲香 桂海虞衡志

草類

茆葉一作萑卽扶留藤蔓生依樹葉圓而尖青碧

色味辛可爲醬食檳榔者以此葉合蚌灰同嚼

食之可辟瘴癘去胸中惡氣 本草綱目

藿香形如都梁香似蘇合去惡氣止霍亂及心腹

痛出瓊山澄邁者佳

益智子如筆頭雜五味中極芬芳可下酒亦可鹽

曝及作粽食晉盧循遺劉裕益智粽卽此也李

瓊州府志 卷五 輿地 物產 三三

時珍曰脾主智此物能益脾胃故也與龍眼名

益智義同東坡記云海南產益智花實皆長穗

而分爲三節觀其上中下節以候早中晚禾之

豐凶

薑黃蘇恭云根葉都似鬱金其花春生於根與苗

並出入夏花爛無子根有黃青白三色其味辛

少苦多亦與鬱金同惟生花異耳本草云海南

生者卽莪朮江南生者卽爲薑黃

紅藍花卽紅花葉頗似藍故有藍名博物志云張

騫得種於西域今人家場圃多種之花可染紅

又作胭脂主治產後血暈



蒼耳草東坡云藥至賤而爲世要用未有如蒼耳者其花葉根實皆可食之如菜亦治病無毒雜療風痺癰疽尤治癭及金瘡一名鼠粘子一名羊負來詩謂之卷耳疏謂之道人頭儋州志龍鬚草卽石龍芻可以飼馬述異記周穆王東海島中養八駿馬處有草名龍芻是矣又可織席太白詩莫捲龍鬚席從他生網絲是也多出儋州

接骨草一名四季花叢生園林中高二三尺莖綠有節而圓葉長似指而尖花白色跌傷骨節搗爛敷之可以接骨見羣芳譜而本草不載

瓊州府志

卷五

輿地

物產

三四

蛇含草一莖五葉或七葉治蛇傷赤眼風腫諸症異苑云有田父見一蛇被傷一蛇含一草着瘡上經日傷蛇乃去田父因取草治蛇瘡皆驗遂名曰蛇含草也根名女青卽雀瓢別錄云卽蛇含根也生珠崖本草綱自

鳳毛草野生葉可治痢

旱蓮草花實頗如蓮房狀故得蓮名花白者名鱧腸一種花黃紫而結房如蓮房者乃是小蓮翹也爐火家亦用本草綱目

藍草有數種曰蓼藍菘藍馬藍吳藍又有木藍長莖如决明高者三四尺分枝布葉如槐葉七月



開淡紅花結角長寸許迥與諸藍異而作靛則一也瓊郡多此種餘藍則絕少也

睡草出海南見之則令人睡一名醉草亦呼為嬾

婦葳述異記

鐵樹高數尺葉如老少年開花如桂而不香或云

此樹週甲子一開開必以下卯年故有鐵樹開

花之諺然甚無異致雜記

知風草叢生藤蔓土人視節知一年風候每一節

主一風無則無風

木鼈子蔓生葉似苦瓜實亦如之兩頭尖短而大

子形如鼈

瓊州府志

卷五

輿地

物產

三

山豆根蘇頌云出萬州者佳石鼠食其根故嶺南

人捕鼠取腸胃曝乾解毒攻熱

茜草一名血見愁方莖中空數寸一節每節五葉

葉如烏藥詩云茹蘆在阪者是也

忍冬一名左纏藤其花黃白相半故又名金銀花

羊蹄草一名禿菜葉似波稜而無歧可治禿瘡詩

小雅言采其蓫陸機注云卽今羊蹄也

菖蒲卽昌陽又名堯韭典術云堯時天降精於庭

為韭感百陰之氣為菖蒲故曰堯韭東坡云凡

草生石上必須微土以附其根惟石菖蒲濯去

泥土漬以清水置盆中可數十年不枯



長生草修莖茸葉色似檜而澤經冬不凋

蒲公英葉如苦蕒有細刺一莖獨發花黃如金

茂葉可蓋屋火不能焚出文昌海濱

蒲頭紅根如蘿蔔土醫用治百病儋州志

仙人掌種田畔以止牛踐穡墻頭以辟火災無葉

枝青嫩而扁厚有刺每層有數枝杪枒而生絕

無可觀其汁入目使人失明雜記

苳草卽席草見爾雅郭璞云生海濱南越人取以

爲席又黃村席染茜爲飾歲久愈滑多產澄邁

曼陀羅柯生花長白六瓣東坡詩花發曼陀羅是

也結實圓而有刺戲取其花或子俱入酒能使

瓊州府志

卷五

輿地 物產

三

人發狂用水噴面卽解土人呼爲顛茄

斷腸草卽鈎吻一名胡蔓草一名治葛生嚼三葉

以上卽死急以生羊血或金汁灌之或以伏卵

不生鷄雛者細研和香油灌之吐出毒物而甦

少遲不可救矣

藹車出海南山谷政和本凡諸樹木蟲蛀者煎此香

冷淋之卽辟也齊民要術

馬鞭草苗似荊芽搗汁飲之能消癥瘕

留求子形似梔子稜瓣而兩頭尖似訶梨勒而輕

及牛黃已熟中有肉白色大如棗核而甘本草

唐播州郭使君療嬰孺之疾多用此物號爲使



君子也

高良薑陶隱居言此薑始出高良郡故名即今高

州也其山高而稍涼因以為名則高良當作高

涼今儋州高涼薑莖葉如薑而大高二三尺花

紅紫如山薑俱同上

山薑莖葉皆薑也但根不堪食與豆蔻花相似而

微小爾花生葉間作穗如麥粒嫩紅色南人取

其未大開者謂之含胎花羅浮志云紅荳蔻即

山薑花

羅裙帶生水中用治疥澄邁志

甜酸子可食葉可澤銀

瓊州府志

卷五

輿地

物產

三七

喝睡遇人喝聲葉則盡偃

薜荔生古牆及野間老樹延根引蔓

鼓槌取葉春合酒餅俱同上

澤蘭俗呼濕蘭出土分枝梗葉如菊而尖長香氣

類蘭能破血瓊山志

草決明一名知暮草朝開幕合實如馬蹄草能明

目

半夏葉似芍藥根下重生上大下小皮黃肉白今

瓊產葉較圓儋州志

青蒿有子者葉色深青氣芬芳

小茴香葉如絲髮味類八角枝上青蟲如蠶取治



小腸氣

天門冬葉似苜香蔓生有刺

黑牽牛野蔓生花碧子黑一種自家種者名天茄

子可作羹醬食

俱同上

蠟燭草其形似燭出黃日塘

會同志

益母草即本草茺蔚用治胎產諸病一名返魂丹

儋州志

野零陵香土人呼為龍零草野生莖葉皆香

通草圖經云通脫木葉似葶麻心空中有瓢輕白

可愛女工取以為飾

俱同上

乾葛一名野葛藤可作布

瓊山志

瓊州府志

卷五

輿地

物產

三八

茵陳蒿初生苗高三五寸似蒿而葉繁細春苗舊

苗生新葉故名茵陳蒿

栝樓藤生根名天花粉

葶藶俗名金剛頭可治風

稀簽草俗呼黃花其葉圓而未銳開花微黃實似

鶴虱

水萍大者為浮萍小者為紫藻

大小蘇類紅藍而多刺小者名小蘇

青箱子即白鷄冠花子

鬱金本草葉如薑黃但幹起數寸而後葉開根赤

黃



葶草卽水紅花似蓼葉而大色赤白

何首烏按本草有赤白二種赤者雄白者雌狀如

山藥各有五稜生必相對其葉亦相對

劉寄奴俗名刀斧草

穀精草生田中一名戴星草

海金沙莖高一二尺葉如半夏而硬

地丁本草四時常有花子老隨絮飛落處卽生俗

名松子

夏枯草葉似旋覆春至開花作穗五月初枯

寄生草葉似橘而軟厚莖似槐而肥脆寄生樹上

不藉於土惟桑上生者堪入藥

瓊州府志

卷五

輿地

物產

三九

山茱萸味辛子可入藥

紫蘇背面紫色氣甚香不香者爲野蘇

薄荷本草可療病不宜食

門冬草葉青似莎草而長四時不凋根黃白色有

天門冬麥門冬二種形如連珠又如穰麥天門

冬稍大而味苦土人以蜜漬之良

艾葉有二種葉小苗短色白者良種自蘄州謂之

蘄艾俱同上

枸杞子葉似榴而軟薄子入補藥根名地骨皮

衝洞根廣州記曰生嶺南及海隅苗蔓如土瓜根

主治一切毒氣及蛇犬傷取根磨服之諸毒患



皆吐出

凉粉草俗名凉菜藤生葉長細柔滑夏間土人常搗取其汁入米粉煮熟候冷凝如豆腐和糖食之以解煩熱

藤類

黃藤可染熬汁卽藤黃也其性甚寒可和青魚膽點目

白藤葉似土茯苓身小而長白外有籜包又有一種斑駁可爲數珠亦名白藤子出文昌山中

赤藤俗名紅藤出自黎山其子可爲數珠

青藤葉長三四寸多芒刺莖大如指而堅韌可用

瓊州府志

卷五

輿地

物產

四

比北地之用柳條

圭藤俗名靴藤屈之可爲酒引

苦藤大如筍竹可以駕牛又有鷄藤土藤牛拔藤

皆堪爲器用又北戶錄云瓊州五色藤合子書

囊之類細於錦綺亦藤工妙手

牛八藤卽黎藤

瓊山志

葛藤有毛光二種

澄邁志

野鹿藤南土多野鹿藤苗有大如鷄子者有細於

筍者儋臺瓊管皆制藤線編以爲幕挑紋爲花

藥魚鳥之狀業此納官以充賦稅

嶺表錄異

都林藤本草備急方云席辯刺史嘗言嶺南俚人



解毒藥並是常用畏人得其法乃言二百頭牛藥或言三百兩銀藥辦久與之親狎乃得其實凡欲食先取甘草一寸炙熟嚼咽汁若中毒隨即吐出乃用都淋藤黃藤二物酒煎令溫常服毒隨大小洩出都淋藤者出嶺南高三尺餘甚細長所謂三百兩銀藥也又常帶甘草數寸隨身以便緩急若經含甘草而食物不吐者非毒也

黃通志

五色藤紅者可以為簞色如天桃名瓊枝以紅紫間之為席為盤及屏風盜甲之屬其用甚奢又有一種白藤其子斑駁可為數珠又一種金藤

瓊州府志

卷五

輿地 物產

四十一

可以為箸若遇毒物則烟氣迸出

舊廣州府志

禽類

石鷄形特小一名潮鷄潮長則鳴其聲長而清有如吹角李德裕詩三更津吏報潮鷄是也

火鷄紅色嘴翅俱黑春夜先鷄而鳴俗呼催耕

竹鷄形如鷓鴣褐色斑赤文居竹林中見雋必鬪

以囫誘其鬪網之性好啼啼曰泥滑滑白蟻畏之

山鷄愛其毛映水則舞魏武時南方獻之以大鏡

著其前鷄鑿形而舞不止

異苑

鵲俗稱喜鵲瓊郡所無明景泰間指揮李翊白海



北攜來縱之今蕃育滋多矣

鸚鵡綠衣朱喙亦能人言無異隴西之產俗名甘

菲鳥

秦吉了嶺南有鳥似鸚鵡養之久則能言名吉了

溫即了哥唐時作結遼番音也出嶺南容管廉

溫峒中紺黑夾腦有黃肉丹喙黃距人舌人目

目下連頸有深黃文能效人言亦有色白者本草

綱有三種眼黃者金了為上眼白者銀了為次

綱黑者鐵了為下產瓊州又羅浮志青鷄似秦

吉了稍大尾長頭一點丹砂郝通志

山鵪毛色紫綠間有純白性善鬪人多蓄之

瓊州府志

卷五

輿地 物產 四十一

鴈廣南無鴈近年亦間有之明時有鴈集於瓊山

縣學泮池邱濬為之記見瓊臺集舟車間見錄

鷗在漲海中隨潮上下頗知風雲若羣飛至岸渡

海者輒不敢渡

啄木鳥雄斑雌褐惟食木蠹有一種大如雀喙足

皆青毛色正青翠鳥類也與凡啄木異種舌長

五寸杪有刺針

鶴鶉昔人云鶴與鶉其形相似鶴色黑無斑始由

鼠化終復為鼠夏有冬無鶉毛有斑點始由蝦

蟄黃魚化終以卵生四時常有今通呼為鶴鶉

矣



白鷗素羽黑文狀如山鷄舉止閑靜雌雄定耦不

亂不鬪故曰白鷗羅浮志

鶴粵中最少鶴惟瓊州則元裳縞衣丹頂其餘灰

鶴居多又有蓑衣鶴俗名牛奴通志

灰鶴大如鶴通身灰色去頂二寸許毛始丹及頸

之半亦能鳴舞桂海虞衡志

烏孝鳥也純黑而反哺者謂之慈烏頸白而不反

哺者謂之鴉或又云昌化無喜鵲感恩無鴉儋

州有烏鵲能食火每啣火置人屋上以翅煽焚

則羣鳴飛舞其名火鴉居人多以食物禳之

按今崖州亦無喜鵲感恩亦多鴉

瓊州府志

卷五

輿地 物產

四十三

青雛生於檳榔林者謂之檳榔雛喜食檳榔之未

熟者宿則倒懸一足於樹杪弋得之肉厚味腴

山歌云青雛且莫來檳榔猶未熟莫食檳榔青

好食檳榔肉

翠鳥有水翠山翠翡翠紅翠數種

鷓鴣其名自呼鈎輞格磔又云行不得也哥哥

黎母雀出自黎山冠紅如花莫可羅致臨高志

金鳳出儋州大如指許身五色冠首修尾儼如釵

上金鳳

鷺有胡越二種又有海鷺大如鳩春回巢於石巖

危壁葺壘島人伺其秋去以修竿接鏟取而鬻



之謂爲海鷺窩海語

按鷺窩多售自番舶今崖州萬州海島中石巖陡絕處亦產之較洋鷺窩更佳但歲出不過數斤最難得

海鵝即天鵝蒼色嘴尖似鵝而大澄邁志

鷓鴣水鳥毛有五色食短狐其所在溪中無毒氣

海語

鷓鴣一名鴝鶒夜撮蚤虱察毫末晝出瞑目不見

邱山俗名貓頭鳥大如鷹黃黑斑色頭目如貓有毛角兩耳鳴則雌雄相喚聲如老人初若呼後若笑所至不祥

瓊州府志

卷五

輿地

物產

四十四

海鳥棲宿海岸夏秋之夜飛鳴入深山則知颶風當至土人以爲颶信

五色雀一名木客方色各備東坡詩序云海南有五色雀常以兩絳色者爲長眾雀進止必隨焉久旱而見則雨潦則反是俗呼小鳳凰又志林云東坡至儋州五色雀來集庭下坡舉酒祝曰若爲吾來當再集也已而果然

倒挂鳥有風則倒挂無風則否前人詩云風來禽倒挂所謂倒挂綠毛么鳳疑即此

閣雀晝不見形每歲春夜向東高飛鳴聲割割必兆豐歲



雉其屬有錦華金錢二種俗呼野鷄萬州志

百舌春初鳴作百鳥聲月令小暑反舌無聲

水鴨即鳧鷖

青椿形似鷺鷥色青

鴛鴦亦名鴝鶒毛羽五色文彩絢爛晝則並遊夜

必交頸雙棲失偶則相思而死凡毒蟲不敢犯

故所宿水中無毒

黃鶯一名黃鸝一名倉庚

鸚鵡俗呼八哥又有牛八哥稍大而翅白

麻雀又名瓦雀其糞即白丁香治眼翳

斑鳩色斑故名又有青綠火三種

瓊州府志 卷五 輿地 物產 四十五

子規一名杜鵑又名謝豹

白面鷄一名鴟鷄俱同上

獸類

鹿牡為麋牝為麀其子為麕出爾雅或又云萬州六

連嶺有鹿市崖州左右曠野亦多麋鹿其茸嫩

者如紫茄長三四寸紅鮮可愛然不踰時未潰

而本乾剖之有如堅木者所謂柴茸不如蜀產

麀即麀午月解角前漢書云儋耳珠崖郡山多麀

麀顏師古注麀似鹿而大名苑云鹿之大者曰

麀羣鹿隨之視其尾為準其尾能辟塵拂氈則

不蠹置茜帛中歲久紅色不黯也



麋旄尾狗足好作聲其大者名麋雅

麋性善驚飲水見影輒奔吳越春秋曰章者倬惶

也雅粵人以麋肉釀酒甚佳廣州舊志

豹似狗而長尾狼似犬銳頭高頰說文

熊好攀援木而引氣故謂之熊經其膽春在頭夏

在腹秋在左足冬在右足當心有白脂如玉味

甚美俗呼熊白冬蟄不食飢則自舐其掌故其

好在掌異苑

按瓊郡猪熊狗熊馬熊人熊其體同首異而

馬熊特大人熊不多見昔人云熊多力尤嗜

小兒黎人搏而獲之一峒畢賀以熊多則其

瓊州府志 輿地 物產 異 卷五

地不祥也劉跂暇日記云錢乙言熊膽奇藥

佳者色通明如米粒用草莖點入水轉如飛

性急者佳能消諸毒

猿有三種金絲者黃玉面者黑純黑者面亦黑金

絲玉面皆難得虞衡志

按猿即猿兩臂甚長善援木而不能走畜之

者亦須置樹間近土氣即病瀉以死煎附子

汁飲立愈又瓊州有石猿小者拳許飲以水

即長又名黑猿今頗難得

猴釋獸云猴無脾以行消食昔人云瓊州多猴以

小者為貨



兔梵書名舍迦大如狸褐色尻有九孔甜雄豪而孕其大者為奠色青足似鹿瓊人多畜之

狸有香狸猫花狸玉面狸七架狸赤狸蛇狸數種

儋州志

獺似犬而口銳毛細入水不濡善捕魚其以猿為

雌者插翹山獺也出溪峒

按虞衡志云能解藥箭毒中箭者研其骨少

許傳治立消

山猪即野猪寇宗奭云形如家猪但腹小足長毛

色褐作羣行獵人惟敢射最後者若射中前者

即散走傷人其肉赤色如馬肉食之勝家猪本草

瓊州府志

卷五

輿地

物產

四十七

綱目

豹狀如虎而小白面團頭其文如錢者曰金錢豹

如艾葉者曰艾豹性畏蛇淮南子云蛇令豹止

物有所制也同上

牛有二種曰水牛黃牛

山牛與牛無異但眼紅耳山中作隊而行見人不

避海南山中最多雜記

山馬昔人云似鹿而大千百為羣角彎而內向無

岐眼下復有二眼日閉夜開以觸物善入棘叢

黎人得之以其皮易布可為卧具禦濕其毛如

牛不識者以為山牛



果下馬卽石馬高不過三尺可騎竹樹下駿者有  
雙脊骨能負重躡險輕疾若飛產崖州陵水

按前漢書地理志儋耳珠崖郡無馬與虎舊  
志亦云馬非瓊產今則虎無而馬亦多產矣

養羊以小羊為欄棚畜之足不履地採草木葉以  
飼之肥而多肪味極美

海獺生海中似獺而大脚下有皮如胼拇毛着水  
不濡人亦食其肉海中又有海牛海馬海驢等

皮毛在陸地皆候風潮猶能毛起

博物志

鼪鼠一名鼪鼠身長尾大能制蛇虺又善於捕鼠  
及禽畜廣雅謂之鼠狼莊子所謂騏驥捕鼠不

瓊州府志

卷五

輿地

物產

吳

如狸鼪者卽此物也

本草綱目

海狗純黃色形如狗大如猫常羣遊背風沙中遙  
見船行則沒海漁以技獲之蓋利其腎也卽膾

膾

海語

海鼠大如豕重百斤目赤然畏猫或畜之別囿遇

獾獾嚙其目而斃

同上

山鼠形似鼠不能害稻穀

瓊山志

毒鼠形大於鼠尾有毛能咬檀椰子

同上

腹鼠尾大似松鼠出濯有火災又有留鼠豹鼠龍

鼠獨鼠

文昌志

蟻惡獸生於石穴噬人卽死水旱皆有



穿山甲一名鮫鯉似鯉有四足能陸能水又曰鱗

鯉同上

出檀形類穿山甲而小土人亦以狗捕之

豪豬卽封豕似狗居地穴毛黑牙利如錐長四五寸尾大人逐之則發豪刺射人

鱗類

海鱔魚海魚之最偉者大者不可限量有長數百十里望之如連山者小者亦千餘尺背常負子以遊蜒人以長繩繫鐵鎗乘小船叢標其子候其困斃曳至岸取油貨至數萬錢脊骨可爲舂白俗呼爲海龍翁

瓊州府志

卷五

輿地

物產

四九

翻車魚海槎餘錄云秋晚巡行昌化屬邑俄海洋烟水騰沸競往觀之有二大魚遊戲水面各頭下尾上決起烟波中約長數丈離而復合數四每一跳躍聲震里許詢於土人曰此翻車魚也問歲一至此亦交感生育之意耳

鰩魚其脊若鋒及銳喙長齒大腹鼻在額上而能作聲少肉多膏大者長三二丈

通志

倒挂魚鮮食醉人宜鮮出萬州

沙魚郭璞駁贊珠皮毒尾匪鱗匪毛可以錯角兼飾劍刀此珠駁也亦謂沙魚按沙魚種類不一有出入沙長丈許腹有兩洞以貯水養子子必



二皆從胎生朝從口出暮還入母腹一名琵琶魚形似琵琶善鳴此大沙也虎沙背有斑文如虎而堅強鋸沙鼻前有骨如斧能擊物壞舟此海沙也

黃鱗魚一名大頭土人呼作赤魚狀如鮎之大者

子如龍眼春末夏初海上疊陣而來舉網或不

勝載儋州志

馬膏即馬鮫皮上亦微有珠然與珠較異味甚美

諺以鮠魚馬鮫並稱出昌化者佳

鰮魚亦名鮐魚圓厚短蹙味豐舊志

鮎魚即鮎魚爾雅翼偃額兩目上陳口方頭大尾

瓊州府志

卷五

輿地

物產

辛

小身滑無鱗謂之鮎言其黏滑也

石首魚首有白石二枚瑩潔如玉一名黃花魚乾

者即鮓魚本草綱目

勒魚即青鱗狀如鮐魚小頭細鱗小兒痘疹土人

煮以食之

魴魚一名鱗魚一名鱮魚即魴魚也狀如長薄尖

刀山海經注魴狹薄而長頭大者長尺餘常於

三八月出

竹魚形如鯉魚色如篠葉青翠鱗下多朱砂點可

玩或烹以為膏臙肥而味甘黃通志

鮠魚即鮠魚一名鏡魚有烏白二種小者名鮠鮠



身圓肉厚肉白如鯢只有一脊骨治之以薑葱蒸之以粳米其骨軟殮者無所棄擲俚人謂之

狗眠魚參黃通志

鰻魚即魴魚小頭縮頂穹脊濶腹扁身細鱗其色青白

鰻魚扁形濶腹大口細鱗有黑斑采斑色明者為雄稍晦者為雌俱同上

銀魚即王餘博物志又名鱠殘魚身圓如筋長二三寸潔白如銀無鱗若已鱠之魚目有兩小黑點俗呼為麩條魚又呼白飯魚多出澄邁

鱧魚爾雅翼圓長而斑點夜則仰首向北斗而拱

瓊州府志

卷五

輿地

物產

五十一

有自然之禮故從禮諸魚膽苦鱧獨甘

河豚狀如蝌斗大者尺餘無鱗鰓能開闔一名鰓

魚味美其腴在肝而有大毒烹飪失宜即能殺人中其毒者以蘆根橄欖甘蔗擣汁或磨降香

汗飲之可解歐陽修詩話載梅聖俞賦河豚魚

詩云春洲生荻芽春岸飛楊花河豚於此時貴

不數魚蝦此魚常出於春暮食柳絮而肥南人

多以荻芽為羹最美知詩者謂祇破題兩句已

道盡河豚好處參黃通志

海豚生海中候風潮出沒形如豚鼻在腦上作聲

噴水直上百數為羣陳藏器本草泊岸旁食人人乘



船刺之大者圓九尺長二三尺

比目魚鱗細紫黑色一眼兩片相合乃行其合處  
半邊半面無鱗爾雅所謂東方有比目魚不比  
不行其名曰鰈是也俗名鞋底魚

烏賊魚南越志海人言昔秦王東遊弃算袋於海

化為此魚形如算袋無鱗肉翼兩鬚長似帶腹

下六足聚生口旁懷板含墨見人及大魚至則

噴墨方數尺故一名墨魚遇風波以鬚下可黏

石如纜又名纜魚其骨名海螵蛸又云烏賊懷

墨而知禮江東或取其墨書契以給人物書跡

如淡墨踰年墨消空紙耳

參黃通志

瓊州府志 卷五

輿地

物產

五十一

柔魚類墨魚而長無螵蛸骨故名柔魚

雜記

章魚形如烏賊而大足有八一名章舉昌黎南食

詩其五為章舉是也

飛魚一名文羅生海南大者長尺許有翅與尾齊

羣飛海上海人候之當有大風吳都賦云文鷁

夜飛而觸綸

本草綱目

海馬陳藏器云形似馬長五六寸鰓類也南州異

物志云大小如守宮其色黃褐婦人難產者持

此物即產

燕魚脊皮有沙肉白味美

舊志

有赤白黃三種兩翅

似燕能飛翔海上故以燕名俗呼為老鴉魚



赤鬚魚鱗鬚皆淺紅色俗謂之紅魚亦可作脯出儋州昌化者佳

鱮魚俗名鵝毛脰毘公路北戶錄廣之恩州出鵝毛脰其細如毛用鹽藏之味絕美郭義恭所謂

武陽小魚大如針一斤千頭蜀人以為醬是也角魚頭三稜有赤角白角二種白角有翅能飛

帶魚形如裙帶色白如銀肉細膩味甜參黃通志鱮白魚相傳鱮乃鱮白所變在海為鱮白在江為

鱮鱮白於春鱮於夏其味皆美海鷄一名荷魚口在腹下目在額上味美而尾極

毒昌黎詩蒲魚尾如蛇口目不相營俗亦呼為

瓊州府志

卷五

輿地

物產

五十三

燕魚

鱮魚狀似鱧而色黑其頭最大一名鱣魚山海經云鱣魚似鯉大首食之已疢是也郡人呼為胖頭魚多出定安

鱮魚脊皮有沙肉白味美

海和尚人首驚足身差長而無甲舟行遇者率虞不利宏治初吾廣督學淮陽韋彥質先生將視學瓊州陸至徐聞方登海舟此物升鷁首舉舟皆泣議將禳之先生方嚴人不敢白也試畢泛

海而還若履平地可見妖不勝德海語

朱公瓊人呼作巴榔小而皮硬者名老鱮儋州志



鰻魚產石灘深處無鱗似鱣而長大俗名麻魚海  
麻銹牙大口

鱣魚亦作鱠黃白二色似鰻而細長若蛇無鱗  
馬鬃形扁長脊鬣有核肉細無刺

烏魚似馬膏而短小無黑花點

石鰾鱧白黑二種板身脊刺夏出味佳諺云冷鱧  
熱鱧

鼠尾魚地青魚並生南海有肉翅在尾中

鯉魚陶宏景稱為魚王子忌猪肝

鯽魚似鯉魚而身促腹大脊高又二種尤小名走  
水鯽肚苦鯽

瓊州府志

卷五

輿地

物產

五十四

塘虱風雨將作羣引涎濕越坡乾則後越前以濡  
遇者或獲擔而歸凡此魚穴處多聚蛇食涎捕  
者防之

鎌刀長大者名窳唇

細鱗巨石一種頭頂皂色呼皂包頭秋後放子腹  
多脂肉細味佳

嬾婦似豪豬而小好食禾黍田畷以機杼織絰懸  
於塋望之而走雙乳垂腹取以煎油其膏百斛  
澆蠟作燭取以飲酒紫醖生花取以讀書昏昧

泥黑亦雅

按通志云嬾婦產瓊南溪澗中齒長則入海



化爲奔鯨

鯨魚任昉述異記曰南海有珠卽鯨魚目瞳夜可  
以鑿謂之夜光廣州記鯨鯢目卽明月珠也魚  
死而目皆無精寰宇記魚人常於海嶼得鯨頭  
骨如數斛甕圓頂上一孔大於甕潘岳滄海賦  
魚則吞舟鯨鯢黃通志  
鱗龍頭類龍無角鱗亦然又曰鱗鯢

鰩魚卽鮫魚狀似鱉而無足背文粗錯可以飾刀  
述異記南海有鮫人之室水居如魚不廢機織  
其眼能泣則出珠南粵記鰩魚南越謂爲瓊魚  
長二丈子朝出食暮歸母腹常從臍中出入據

瓊州府志

卷五

輿地

物產

五五

此則鰩魚卽沙魚也孫綽望海賦曰勁錯揚鬣  
以排流

君魚南越志君魚長寸背上骨如筆管大者似刀  
逢諸細魚及鼉腹皆斷之

寄魚南越志寄魚長三寸似白魚常附海船以濟  
洪波一曰寄載魚

鱻魚南越志鱻魚似魖鱖尾上有刺如檣樹刺也  
高魚與鱮相似有雌無雄二三月時常與鱮鬪合  
於水中食其腦殺人見異物志

鱮魚南越記鱮魚鼻有橫骨如鑼海船逢之必斷  
一統志鋸魚亦名狼藉魚身長二丈口長六尺



廣三寸左右齒如鋸卽此魚也

鱈魚嶺表錄異鱈魚南人云魚之欲產子者須此魚以頭觸其腹而產俗呼爲生母魚

偶魚俗呼賣仔魚

筭魚一統志云色白如筭長尺餘

鹿魚嶺表錄異鹿子魚頰尾美鬣有鹿斑赤黃色余曾覽羅州圖云州南海有洲每春夏此魚跳出洲化而爲鹿曾有人拾得一魚頭已化鹿尾猶是魚南人云魚化爲鹿肉腥不堪食

鼠魚頭如鼠出南越志疑卽鼠尾魚

琵琶魚無鱗長二丈形如琵琶故名述異記海魚

瓊州府志

卷五

輿地

物產

五六

千歲爲劍魚一名琵琶魚或以爲沙魚之別種含光魚謂蠟魚色正黃而美如蠟故名夜則有光嶺表錄異黃蠟魚頭嘴長而鱗背金色南人鬻爲羹雖美而毒或煎燂或乾夜卽有光如燭出

南越志

金錢花魚小而圓身有錢紋

金石魚形圓長七寸許出南越志

乳六魚嶺表錄異曰全義嶺之西南有盤龍山山有乳洞斜貫一溪號爲靈山溪溪內有魚皆修尾四足丹其腹游泳自若漁人不敢捕之織杼魚如真魚背上正青



蘆桴魚生山曲水間穴地爲窟泉源涌則此魚出  
鷄子魚嶺表錄異口有嘴如鷄肉翅無鱗尾尖而  
長有風濤卽乘風飛於海上南海有飛魚卽此  
也又有張罌魚身形似刀頭尾稍小長五六寸  
口大寸半而有牙遇寒時則張口啐鱗上陽江  
漁人併網取之肌味如鱒

饋尾魚有毒一名鯮魚出南越記

鰻白魚也正字通云性好偃腹平著地故名

鮠魚嶺表錄異新瀧等州山田揀荒平處以鋤鋏  
開爲町疇伺春雨邱中貯水卽邱買鮠魚子散  
於田外一二年後魚兒長大食草根並盡旣爲

瓊州府志

卷五

輿地

物產

五七

熟田又取魚利及種稻且無稗草乃齊民之上  
術也

鮓魚異物志南方魚多不肥美味鮓魚爲上大者  
長二尺作膾炙尤香而美嶺南錄異曰鮓魚如  
白魚而身稍短尾不偃爲膾不腥而美諸魚無  
以過也

鱒似鱠魚而鱗細於鱠赤眼

魷能吹沙大如指圓狹而長者黑文

鯿卽赤魚也狀似鮎而大如龍眼可爲酢

鰮魚大如指長八寸有鋒刺脊骨美滑宜羹

蒲魚形似鱉而尾甚長有數尺者骨脆肝美於肉



亦曰鱈魚

黃魚劉欣期交州記武寧縣秋九月黃魚上化為

鶉鳥吳書薛綜曰交州刺史朱符多以鄉人分

作長吏強賦民黃魚一枚稻一斛

斑魚蠡魚也魚腸主痔及惡瘡有蟲者五味炙貼

上引蟲出之膽治喉痺

鰾魚嘴頭如鷺

泥鰍魚大如指在泥中

鮎魚色緇黑故名身圓頭扁腎軟生東海性喜食

泥狀如青魚長者尺餘其子滿腹有黃脂味美

獺喜食之吳越人以爲佳品醃爲鯨腊

瓊州府志

卷五

輿地

物產

辛八

魚虎一名土奴魚頭如虎皮如猬有刺着人如蛇

咬能化豪猪及虎瓊人又呼虎魚

鳳尾魚俗呼爲馬齊其子可爲醬俱同上

介類

龜大戴禮甲蟲三百六十龜爲之長宋史太宗時

萬安州卽萬州獻六眸龜或又云有紅白二龜在

文昌北石井中旱禱之紅出則雨白出則否亦

神龜也又海中有封龜如島洋船畏之小者亦

重二三百斤漁人間撈得之肉甚佳可治疥癬

鼈無裙而頭足不縮者名曰納食之令人昏塞以

黃芪吳藍煎湯服之立解出圖經又爾雅云鼈三



足爲能食之殺人又有朱鼈生南海大如錢赤如血淮南子云朱鼈浮波必有大雨

鼈似鼈而大以鼈爲雌故曰鼈鳴鼈應淮南子云燒鼈脂以致鼈皆氣類相感也舊志云其脂可燃鐵

瑋瑋狀如龜鼈而殼稍長其足有六後二足無爪背有鱗十三片黑白斑文相錯而成欲以作器則煮之刀截任意所爲治以鮫魚皮瑩以枯木

葉卽光輝矣

虞衡志參黃通志

鸚鵡螺出清瀾海南州異物志云狀如覆杯頭如鳥頭向其腹視之似鸚鵡故名土人取爲鸚鵡

瓊州府志

卷五

輿地

物產

辛九

杯

海螺卽流螺大如拳格物論云曆名甲香合衆香燒之則香獨燒則臭

海鏡形圓如鏡卽璫蛸也南越志云長寸餘大者長二三寸兩片合以成形殼圓中甚瑩滑白照如雲母壳內有小肉如蚌蛤腹中有鱗子如榆莢合體共生爲蛸取食諺云月姑鱗作腸莢謂此也郭璞江賦璫蛸腹鱗其殼爲明瓦崖州產者佳

參嶺表錄異

蛤有三種皆生海中一爲蛤蜊白殼紫唇大二三寸其肉可充海錯一爲文蛤背有紫斑一爲魁



蛤文如鋸齒統名海蛤乃諸蛤爛殼之總稱不專指一蛤也殼入藥爲蛤粉沈存中筆談云海蛤卽海邊沙泥中得之大者如柑子小者如油麻粒黃白色或黃赤相襍蓋非一類又有粉耳蛤花蛤蛤屬至多不能分別其爲何蛤故通謂之海蛤也

蚶殼上有稜如瓦壘故名殼中有肉紫色而滿腹廣人尤重之多燒以酒俗呼爲天癩按蚶有數種絲蚶紋細如絲卽魁陸阿婆蚶似絲蚶稍長而不正海蚶甚大有片甲大如屋者以治器卽爲車渠多產崖州

參嶺表錄異

瓊州府志

卷五

輿地

物產

六

石蚌形似龜脚得春雨則生花

南越志

郭璞江賦石

蚌應節而揚葩

蛭蚌屬似馬刀而殼薄長三三寸大如拇指又有

竹節蛭以夏月出

蠃爾雅曰蜃小者曰玳殼青黃色惟伴塘海石頭

海所產者爲佳其類大小厚薄不一又名金鏤

口劉鋹時取以自奉禁民間不得採舊志云盛

夏取生蜆以酒鹽蘇麻拌之暴乾名曰曬蜆

通志

水荳芽蛭類也鮮時殼中有一肉柱如牙筋醃之

則無雜記



紅蟬出儋州殼上多作十二點深臙脂色其殼與  
虎蟬堪作疊子北戶錄又有膏蟬出萬州者大而  
味佳毛蟬產瓊山淡水中味極鮮美

石蟬生崖州之榆林港內本活蟬也窟穴甚深掘  
得即洗去泥出水見風則化為石但螯足難得  
全者性寒能消腫毒亦治目疾

海膽形圓多刺如蝟磨琢可為杯肉可為鮓為醬  
江瑶柱一名玉珧其甲美如玉安南異物名記江  
瑶如蚌而稍大肉腥而韌不中口僅四肉柱佳  
耳柱長寸許圓半之白如珂雪一沸即起甘鮮  
脆美不可名狀過火則味盡四月南風起最多

瓊州府志

卷五

輿地

物產

六十一

產崖州者佳又名海月謝朓詩挂席拾海月指  
此蘇長公會云荔枝風味惟江瑶柱可以敵之  
參粵東筆記

車螯潔白如玉俗呼車白殼厚微黃昔梁元帝以  
為味高食部又大者名蜃能吐氣為樓臺海中  
春夏間依約島嶼常有此氣本草綱目

九孔螺即石決明見本草又有青螺多產崖州

香螺出海南一名丹螺西京雜記

寄居蟲如螺而有脚形如蜘蛛本無殼入空螺殼  
中戴以行觸之縮足如螺閉戶火炙之乃出走  
始知其寄居也南州異物志



牡蠣附石而生，磈礧相連如房，故曰蠣房。一名蠔。山初生，海畔身如拳石，漸長有一二丈者。一房內有蠔肉一塊，每潮來則諸房皆開，有小蟲入，則合之以充腹。又雜記云：蠔肉最美，其殼砌牆，鱗鱗可觀。王阮亭《廣州竹枝詞》：曲院深深牡蠣牆，是也。亦可燒灰塗壁。

蚌蛤：呂氏《春秋月望》則蚌蛤實羣陰盈月晦則蚌蛤虛羣陰缺。淮南子云：方諸見月則津而為水，方諸大蛤也。

鱟魚狀如便面，眼在背上，口在腹下，其血碧皮殼甚堅。雄小雌大，雌常負雄而行。雖波濤終不解。

瓊州府志

卷五

輿地

物產

李二

故號鱟媚。又《廣州志》云：鱟子如珠粒出而為鱟者，什二三，餘多為蟬為螿。

弔介之屬也。產瓊海港中，蛇首鼉身，亦水宿亦木。

櫛其膏甚輕利，貯以銅瓦，皆滲。惟鷄卵殼盛之，則不漏。磨治腫毒，功同熊膽。參黃通志

蝦有數種：螿蝦、白蝦、銀蝦之類。蝦苗為醬，南越志

南海以蝦頭為杯中長數尺，金銀鏤之。晉簡文以承酒，未及飲，酒躍於外，筮之曰：三旬後庭有告變者，果有生子人而犬身，嶺表錄異。海蝦皮殼嫩紅色，就中腦殼與前雙脚有鉗者，其色如朱。余嘗登海艚，忽見彪版懸二巨蝦，殼頭尾鉗。



足俱全各七八尺首占其一分刺尖利如鋒及刺上有鬚如紅筋各長二三尺前雙脚有鉗鉗粗如人大指長三尺餘上有芒刺如薔薇枝赤如鈿硬手不可觸腦殼烘逗彎環尺餘何止於杯盃也北戶錄云滕修爲州刺史有客語修曰蝦鬚有一丈者堪爲拄杖修不之信故去東海取鬚長四丈以示修方服其異寧蝦大者亦首尾尺餘白蝦肉薄而白瑩如水精廣人徧食之蓋美而毒詢於閩川吳中悉無此類今蝦之大者曰龍蝦

黃通志

蚶蛸交州記曰蚶蛸似瑇瑁龜身鼈頭蝦尾色斑

瓊州府志

卷五

輿地

物產

六三

似錦文大如笠四足無指甲前有黑珠可以飾物

蟠蟠俗曰茲夷山龜之巨者其背可負人而行產深山中取殼須木楔其肉吼如牛聲震山谷廣州巧匠取其甲以爲梳篦杯器之屬

紫貝廣州志曰貝凡有八紫貝最爲美嶺表錄異云紫貝卽蚶螺也儋振夷俚採以爲貨南越志土產明珠大貝卽紫貝也爾雅翼古者貨貝而寶龜周則行錢至秦廢貝而行錢王莽分貝爲五品故有大貝狀貝么貝小貝之名不盈六分不得爲貝



車渠一統志出崖州形似蚌蛤有文理廣雅車渠石次玉也王粲賦雜元黃以爲次似乾坤之未分兼五德之上美超眾寶而絕倫

郎君子一名相思子狀似杏仁青碧色欲驗真偽口內含熟置醋中雌雄相逐逡巡便合卽下郎如粟狀者真也藏笥中積歲不壞

本草綱目

珂貝類大如鰓皮黃黑而骨白堪以爲飾一名馬珂通典云老鷗入海爲玳卽珂也

石矩卽石舉嶺表錄異云卽章矩之類身小而足長入鹽爲乾燒食極妙

朱鱉南越志海中有朱鱉狀如肺有眼六脚而常

瓊州府志

卷五

輿地

物產

李四

吐珠見則天下大旱

蟠大於蛻土人取其小者種之田泥中俟長始收用

水母文選註濛濛如沫生物有智識無耳目故不知避常有蝦依隨之蝦見人則驚此物亦隨之而沒嶺表錄異淡紫色大者如覆帽小者如盃腹下有物如懸絮

土肉色黑大如小兒臂長四五寸有腹無口日有三十足如筭簪

俱同上

昆蟲類

蠶一歲八登繭絲有黃白紅色昔人云蠶凡三



一蛻蛻則不食是謂一眠至四眠而繭成然眠必齊乃良曰大眠若九蠶眠一不眠則九爲所累而俱敗矣

白蠟蟲生菁細樹樹如冬青蟲食樹汁吐沫成白脂鎔爲蠟至秋結苞如白卵是爲蠟種黃蠟成於蜜蜂白蠟成於此蟲瓊人多有養畜者

廣州志

蜂有八種惟蜜蜂則有君臣之義作蜜益人外有排蜂黑蜂黃蜂衣蜂道壁蜂火筒蜂青盲蜂

蛙類多色青腹細嘴尖後腳長善躍大聲者曰青鼃背有黃文曰金線鼃腹大脊青其鳴甚壯俗呼爲噍吭又名田鷄春間篝火作聲呼之可獲

瓊州府志

卷五

輿地

物產

本五

三月三日農民聽其聲卜水旱諺曰田鷄聲啞田好稻把田鷄聲響田好蕩漿唐人詩云田家無五行水旱卜蛙聲蓋不誣也

蟻有飛蟻木蟻黑黃蟻白蟻數種惟白蟻無所不蝕其害尤甚雜記云粵東溫熱最多白蟻新構房屋不數月爲其蝕壞傾圮者有之亦能蝕銀等其穴掘得白蟻入爐鎔之仍得精金耳

蝮生北方江以南所無而瓊郡有之又瓊州舊無蚊今亦無時不有

山螭卽山蛭山中生蛭之所人陟其山則在地者緣股而上在樹者雨墜而下驅之不得拂之不



可莫不委順

蛇蟲形如蜘蛛腹大足短時處樹間人皆忽之傷

人最毒有謠云最恨蜘蛛無結網蜘蛛無網最

傷人

參粵東筆記

蜥蜴一名蛇醫朱唇綠身四足上同

雷公馬狀如蜥蜴腹紫背青綠頭頸有髮如馬多

在樹上

雜記

蠅蛭一名守宮俗呼壁虎北方蠅蛭能以計困蝎

取食之瓊地蠅蛭獨能鳴鳴輒七八聲聲如黃

雀

坡馬似雷公馬一名沙攤可治腹痛

瓊州府志

卷五

輿地

物產

六六

海參出海中狀如水蛭取以作脯色黑小而薄亦

有刺參出臨高

蛺蝶一名野蛾一名風蝶江東人謂為撻未白色

背青者是其大有如蝙蝠者或黑色或赤斑名

曰鳳子一名鳳車一名鬼車

古今注

蜘蛛小者名嬉子山生者倍大有土蜘蛛草蜘蛛

蠅虎似嬉子而小灰色善捕蠅

螺羸形類蜂赤黑色大小數種即螟蛉

蟾蜍一名蝦蟆吐生其肪塗玉則輒刻削如臘

文昌志

蚱蜢俗呼抹蚱蝗屬大頭短腹翅長色綠者呼紡



緝婆夏初小熟禾熟附稔人取食者為稻蝦綠大而附籜竹者為刺蚱

獐目蟲久旱欲雨則室內羣飛

蜣螂滾丸蟲也

桑嫫蝻即蝗螂子生桑上者

螻蛄即大土狗夜出者佳

蟋蟀俗呼促織詩名斯螽莎鷄一物隨時而異其

名 瓊山志

蝗蝦俗呼賣油翁

蠅東坡云瓊海無蠅今甚多

蟬淮南子蟬無口而鳴飲而不食舊說朽木化為

瓊州府志

卷五

輿地

物產

六七

蟬含卑穢而趨高潔俱同上

蛇類

蚺蛇大者能吞鹿豕繞樹出其骨有二膽一在腹

中一在膚裏遇人擊傷膽即至傷處護之故耐

擊不死人遇刑服其膽不致傷命世多珍之獨

重膚膽腹中之膽無用也其性淫遇婦人必逐

之急解所繫裙投地得裙盤絞不去人因得殺

之皮可為鼓捕之之法度其出入之地先釘羅

椿數行僅容其身土人持橄欖棍伏其中一人

出外颺婦人裙以招之蛇望見即躍高五六尺

來逐人人退入羅椿內蛇到狹處蜿蜒屈伸間



人持棍擊之且退且擊視其首俯地則無懼矣  
以葛藤繫其頸而牽之參嶺南雜記

量人蛇長五六尺遇人必豎其身量人長短然後  
嚙之

藤蛇善附物裊裊如藤初不知為蛇常有中其毒  
者廣州志

冬瓜蛇雜記云瓊州有冬瓜蛇大如柱而長止二  
尺餘其行跳躍蓬蓬有聲螫人立死

烏梢蛇最毒人傷之不死能隨至人家報仇取浸  
酒能療癘瘋

四脚蛇即師蛇俗呼狗母蛇背褐色腹下黃白肋

瓊州府志

卷五

輿地

物產

卒八

有朱點嚙人冷徹骨髓而死土人有藥可救  
簸箕甲黑白相間有大毒

猫蛇其聲如猫出崖州  
兩頭蛇如小指大長尺許腹下鱗紅背錯錦文二

頭有口眼一頭似有口眼兩頭俱能進退見者  
以為不祥產樂會

土錦蛇將生子必當大道人擊之腹破子始出否  
則食母而出

青竹標綠色嚙人如飛箭大毒其子胎生嚙母腹  
而出

山烏蠡一名風梢頭如烏聲如馬嘶騰身逐人惟



尾着地

飛蛇產崖州陵水有翅與足長二三寸可治風毒  
土人云可治產難

危杆類簸箕甲即白花蛇咬人無救

檀蛇大比蚺蛇火蛇紅蛇灰蛇大而無毒水蛇胎

生佛蛇不嚙人俱無毒土圭蛇七寸蛇紅簸箕  
箭籛蛇俱大毒

金類

崖州黎田其水灤洄清澈浮光耀金有商人以金  
買而淘之

黎金形似銅鼓而扁小上有三耳黎人擊之以為

瓊州府志

卷五

輿地

物產

李九

號虞衡志

生金出嶺南夷獠峒穴中如赤黑豆碎石生鐵屎  
之類南人云毒蛇齒落在石中又云蛇屎着石  
上及鳩鳥屎着石上皆碎取毒處為生金有大

毒殺人

陳藏器本草

舊崖州出金華金有花綵者貴

太平寰宇記

銀廣州瀧州端州新州封州潘州春州勤州羅州  
辯州高州恩州崖州瓊州儋州萬安州欽州竇  
州廉州陸州土貢銀唐書地理志

錫產儋州

銅產儋州昌化



石類

水晶石有五色朗澈如削冰月出叢談云中州水晶皆為玩好五指山傍滿山皆是望之如雪而光彩過之人取以為假山有高至丈餘者

土水晶出銅鼓山多裂痕不堪用

文昌志

磁石俗名吸鐵石粵南海中多磁石之山海舟遇之遠即奔赴至山下觸石立碎故南海諸國常以藤製船不用鐵釘以避其吸

浮石水沫所成宋俞璞云石入水則沉而南海有浮水之石

火石在紅毛國者佳瓊西黎山亦產之用以擊火

瓊州府志

卷五

輿地

物產

七十

海花石出文昌可為假山

礪石出東石山者佳能發刃

扁青即石青本草云生珠崖山谷中

琅玕石潔白如玉與珊瑚形同而色異庚辛玉冊

云生南海崖石內似珠而赤

政和本草

野豬清石產崖州白潤可愛

石腦蘊石中白色有蜂窠即太乙禹餘糧

石燕間出銅鼓山

石花色白枝條槎枒分歧如鹿角上有細紋以指

彈之鏗然有聲多生海中石上

本草衍義

石花是鍾

乳滴於石上迸散日久積成如花者寇崇奭所



說乃是海中石梅石柏之類本草綱目

羊肚石形似羊胃又有碁子石鷄冠花石蓮花石

菊花石紅沙石金石

幣帛類

葛出瓊山澄邁樂會臨高者為美人葛通志

波羅麻布所在皆有之其出定安文昌者尤佳細

者如輕綃霧縠

吉貝布紉木棉花絮所織者又有椒布縷眼如胡

椒經布極厚實又有廣幅布蕉布鶯毛布

兼絲布經或麻或絲緯則棉又有黃白絲出文昌

油紅被出儋州瓊俗以為被實則厚毯也

瓊州府志 卷五 輿地 物產 七

綿紬出臨高者佳又有絲紬出樂會

文昌繭其蠶惟食山栗葉絲堅韌而綢佳

紫花悅儋織者佳又有假錦悅繡花被

黎幕一名黎幔出海南黎峒得中國錦綵折取色

絲挑織而成每以四幅聯成一幕黎單亦黎人

所織青紅間道木棉帛也虞衡志○按此即木棉也今多出崖州

黎錦廣州志云以吳綾越錦折取色絲間以鶯毳

絲錦織成人物花鳥詩字濃麗燦爛可為衾褥

幃幕以有金絲間錯者為上黎人以之為衣又

有黎補以蔽下體

西洋紙被長丈餘圓如繭而空其首細視無縫色



白如棉云其國夫婦同寢可以禦寒

嶺南雜記

飲饌類

瓊州醞酒不用麴蘖有木口嚴樹擣皮葉和粳成

酒又石榴花葉亦和釀數日成酒

張天復與地志○舊志云儋人多以嚴樹皮葉和糯釀酒謂之嚴酒○通考云瓊管黎峒有椒酒以安石榴花葉蒸餾即成○又方輿志云酒無麴藥以山藤葉有辛香者為和米粉圓為藥餅

真一酒東坡在海南作以米麥水三者為之志天

門冬酒桂酒俱東坡造

按東坡海外集云庚辰歲正月十二日天門

冬酒熟于白漉之且漉且嘗遂以大醉得詩

二首見本集又真一酒詩坡公自註云真一

瓊州府志 卷五 七十三

色味頗類尋春黃州日所釀蜜酒也

荔枝酒以鮮荔枝浸酒而成

七香酒以沉香等藥浸酒而成

捻酒以都捻子釀成

黃桐酒以桐子釀成味極美

椰酒椰子中汁浸酒并許微帶酒氣曰椰酒廣志

海虞衡志二種新者極清芬芳則不堪飲又有浮子酒 粟米

酒 金銀花酒 蔗酒 粘酒 番薯酒 黃

酒 老酒 鹿蹄酒 燒酒 三白酒 菊花

酒 膏梁酒 甜酒 山柑酒 桑寄生酒

龍眼花酒



鹽有生熟二種

油有花生油 山柚油 海棠油 菊倒油 芝

麻油 葦麻油 椰子油 核桃油

糖名頗繁不外烏白赤三種烏者糖塊白者糖霜  
霜有三曰結粉曰貢粉曰上洋赤塊有厚有薄  
瓊之糖其行至遠白糖則貨至蘇州天津等處

醋有二種浙醋水醋

器用類

墨東坡先生在儋耳令潘谷造墨銘曰海南松煤  
東坡法墨其法每笏用金花胭脂數餅故墨色  
豔發勝用丹砂也 何蓮春 潛紀聞

瓊州府志

卷五

輿地 物產

七三

椰器椰子內有堅殼大者可為碗小者可為盃白  
色者尤貴汪酒遇毒輒沸起唐李衛公征蠻時  
常配一椰杯於玉帶環中 通志 增

黃村蓆出澄邁染茜為飾歲久愈滑

纏櫻器為酒壺甌之屬

籐器出萬州籐可以為屋桁桷者曰泥籐可以駕  
牛其大如笙竹者曰苦籐稍小而性柔可為牛  
繩船纜曰括籐以磨礪器物能發光賦曰濕皮

籐

籐盒瓊州出五色籐盒子書囊之類細於錦綺亦  
籐工妙手也新州出五色籐筌臺皆一時之精



絕者北戶錄籐盒屈籐盤繞成柁合狀漆固護之

桂海虞衡志

漆器疊漆雕漆有剔紅剔黑諸色

黎堯熬海南黎人所用以籐織為之

刀錐刀及黎刀略相類皆短刀而長靶黎刀之及

尤短以斑籐織成纏束其靶以白角片尺許如

鷄尾飾靶之首嶺外代答

紅籐篔出瓊州一呼為笙或謂之行庚其色殷紅

瑩而不垢北戶錄

鷓鴣杓磨海螺殼為之

鸚鵡杯螺殼為之形如鸚鵡用金銀鑲嘴以為酒

瓊州府志

卷五

輿地

物產

七十四

器

金剛子圓如彈堅實不朽僧尼製為數珠

笠有油紙笠 篾笠 簞笠 葵笠 籐笠

皮有牛皮 鹿皮 麋皮 山馬皮 蚺蛇皮

獺皮 檀蛇皮 沙魚皮 豹皮出黎山

